

存素堂詩初集錄存

存素堂詩初集錄存卷三

柏山 法式善 開文

辛亥

正月八日廣慈庵后壁間韻

閒既不如僧靜復與佛別步入栴檀林更著何言說瓶花一笑拈階草青欲茁蒼古松下猶有去年雪

○ 正月十二日汪雲壑修撰招同陸璞堂學士江秋史侍

御程蘭翹編修小集

萬里新持節

雲壑新自澳使回

三年暫啓樽斜陽下山背春雪在城根

書卷買無市佛花香到門

君寓與長椿寺相向舊有書市

相期借禪榻好句爲

重論

○ 送陸鎮堂師廷樞赴絳縣任

小別亦難遣好官今易爲栽花南後振薙早春時雞且牛刀

割鳩方鳳閣辭

時善方改官

老桐仍自好人去碧陰移

義受業於古桐書屋

送劉梧桐

昭

同年令江南

朱霞十丈仙人洞約西愛作江南夢山靈有意招先生天風甘

日扁舟送先生好客兼好詩瓦卮傾倒城南陂百城擁讀苦未

足百里待治將奚爲孝弟力田功不薄不尊人爵尊天爵寒雨

池塘夢青草暄風畫閣看紅藥散衙無事拈吟毫竹燈板屋風

颼颼課民耕種課兒誦先生固已忘其勞而我相思隔千里欲

寄貂褕憑一紙安得人生比鴻鵠朝舉山青暮山紫酌酒勸君

君莫猜白駒逝矣朱顏催男兒墮地志弧矢臨別可憐何爲哉

夏夜懷李石農比部

庭中聞草香幽居月不到啓戶清風來高樹一蟬噪心虛納萬

理境靜領諸妙忽念金石人愧乏瓊瑤報夜短鐘響繁雨餘溪  
影曜槐葉積空階綠濕無人掃

○ 送徐鏡秋檢討出宰江南

秀才膺鄉舉輒云作令美及其入翰林棄令如敝屣先生登賢  
書年未三十耳浮雲變蒼白拾芥綴青紫出人承明廬卓哉賢  
太史檢校三館書不賣官庫紙權衡三湘士臣心白如水美譽  
動公卿清節聞

天子有守當有爲優學必優仕詞臣百七人君首承顧指讀書  
從茲終讀律從茲始憶昔庚子春偕君成進士疑義每互析修  
途期共履相與不參商相資如礪砥琴清濁同絃車遲速共軌  
十載蓬山樓一夜天風起我乘退飛鵠君騎逆河鯉榮悴豈殊  
心升沉鮮定理勉哉各努力可憫要可喜得登循良傳折腰復

何耻曩恨無所得今責不容已士苟效一能官胡小百里他時  
宰天下何嘗弗如是

○ 寄懷 山莊扈從諸遊好

冶亭侍郎

西崦雲深處南榮月上時蕭疎見情性筆墨出風姿人擬龍頭  
重書嫌雁足遲彎弓射麋鹿磨墨寫新詩

玉亭宮詹

橐筆出天關刀明弓又彎官閒須縱酒秋近最宜山草碧螢孤  
照沙黃雁白還先飛嘲笨雀回首憶清班

余與君同  
侍直語

何蘭士員外

望月倚闌干君今月獨看酒知因病減詩不入秋寒蛩語山堂  
寂砮聲佛屋殘疲驢休再跨記否墮吟鞍

皆庚戌  
舊事

周勉齋元鼎郎中

記得灤陽路家家山對門芙蓉青到枕楊柳綠無村墨氣秋堂

暗第言象書茶烟土竈昏市聲空浩浩跌坐養閒根君耳

○憶感舊詩七首

曹地山先生

我命公默持我詩公朗誦樹旌穉花護劇雪凍莎種負笈拜後

並撰杖日陪從片語偶垂誠詩爲一生用相期在力行不獨交

章庚子重闢中余卷中而復失公竭晝夜之力搜索始獲雋

德定圃先生

立朝五十年相盡天下士願予驚鋪姿謬以騏驎擬少年許上

書後堂容曳履小草處蹊澗居然等桃李吁嗟梁木頽飄泊吾

已矣

許石泉兆崇編修

君所蓄於心無不脫諸口於世爲畸人在我實詞友奈何倚天  
劍弗爲世間有懸揚鏡垢積絃折弓弛久獨學德日廣誰與商  
不朽

常月阡森孝廉

病馬長途困餓鶴秋柵閉幽蟲語斷牆衰草掩空砌豪華易贈  
踰臨風日橫涕跡足荒山中長揖倡松桂寧同木石頑不共綺  
紈傲

陸鎮堂先生

百川日東流一星晨不滅道義時自漂章句固不屑馬性易長  
往鶴情難聚悅芳蘭保凍蓼孤松矜晚節春風<sub>生</sub>時有歸胡獨  
冰雪

袁子才前輩

我讀君萬言君吟我五字年年雁北來手書時一寄入山三十  
年料理梅花地種樹恐太多誤作烟中寺漁樵懷幽阻只有詩  
僧至

英煦齋秀才

楓衣拜君堂君年及我半十三善司矢工詞翰援筆賦春  
花君詩比花爛美玉借石攻志士利金斷懿哉管鮑交莫僅孔  
李看

8 秋日田園雜咏同汪雲壑作

冷月比詩骨秋水如道心薄酒酌田父微風吹素襟石上聽鳴  
泉淙淙響玉琴廣廈需結構何如高樹林炎氛自茲息樂境真  
可尋



既不如農勞又不及農拙羨彼霜體足勝我爭口舌何時入南山荷鋤鋤春雪種瓜脆可餐掘泉清可啜安用不用窓到處皆明月

蕭蕭蘆荻花而與秋影分處晦歛根荄時至皆欣欣無情烟與草無迹水與雲東皇暱晨曦西岡生夕暉富貴不可保及身修令聞

有苗必有秀有粟必有秕君子與小人相反實相似苟弗辨厥微毫釐卽千里去取慎又慎仁者良有以非種倘不鋤嘉禾長靡靡

人愛畫中山我愛山中畫濃淡無定姿瀟灑有餘態取斯較倪黃從無一筆敗綠波春塘灩紅葉秋陽暉俯仰安一生得價亦不賣

鷗見我不猜魚見我不畏江湖豈不寬尺波已足慰日久草木  
光澹作烟霞氣但能簑笠將何必綺羅衣珍重蕨與薇此中有  
真味

荷耒入南山豈不望苗秀拚種要有術須先辨菽豆清露壓條  
繁薄曦隔籬透纍纍府糈供採採盤殮侑若謂足餽觀曷早事  
文繡

薄田鮮厚償不如多時竹此君雖清寒出土便雲壘濯漑詎勞  
心蕭疎欣悅日清陰半畝涼苦瘦不苦俗桃李炫新妝春去俱  
碌碌

○ 贈阮方浦

梧竹蕭蕭草結廬誰思葦葉與鱸魚人生歲月閒中足不愛科  
名易讀書

寄懷劉杏垞 泗道

水綠不生髮花紅方照顏每逢新月上便擬故人還  
病裏聞清磬愁中見遠山憶從投筆去草閣更蕭閒

贈王雪村 元梅 同年

我醉非關酒君才豈但詩十年不相見此恨有誰知  
竹老自寒色雲高無定姿盧溝看曉月好是早秋時

○ 七月四日邀同人飯於詩龕出西直門看荷花至極樂寺

鷗尚有浮沉人豈無聚散眞朋惠然來幽情愜清旦溪流息市  
塵秋雨遲晨響言出西直門心閒耳目換薄曦山紫移荒草城  
根斷亭亭君子花可愛不可玩出水香自存愛風影弗離承露  
碧玉盤拔泥青鐵幹一一招良友隨我登彼岸願言素心客盡

作此花看

讀書憂患多作詩才力薄且叩旃檀林厥寺名極樂十畝歡喜  
園三間清涼閣田荒香稻熟國老秋瓜嚼僧至不驚魚客來莫  
彈雀舉頭雲忽飛對面花自落神定萬慮忘境寬一心約私蠲  
物垢阻內腴外華削款語告諸君勿竟戀邱壑亟望施霖雨民  
和物咸若

樂境既難常秋日又苦短園荒山影積秋入蟬聲緩坐石苔流  
衣看雲酒覆盃談禪休逞機說鬼姑任誕人生志道義忠告攄  
惻款處安思處危履險若履坦冷霧斷鷗汀敗葉埋鹿蹊渾然  
忘物我生氣胸中滿藕花折一枝幽齋清夜伴蓮他楓與菊吾  
意已衰懶

○ 讀洪稚存亮吉編修詩集

萬物弗自見託之於文章我語如子語子腸非我腸追金爲花  
并顏色豈不光置諸盆盎中詎及蘭芷芳藜莧較魚肉滋味難  
相當魚肉而餒敗人則藜莧嘗

賊盜掠人財尙且有刑辟何況爲過端醜顏攘載籍晨霞自舒  
卷暮雲忽深碧東月揚海頭西陽抑山脊兩大景常新四時境  
屢易膠柱與刻舟一生勤無益

山平則無岫水平則無波馳驟怒馬擅意態饑鷹多酒生糟粕  
中糟粕酒殊料金生砂礫中砂礫金或訛我生古人後古人安  
可過不如坐一室垢刮光潛磨

立政體尚寬作詩境取窄叢垢晦元機幽情滅塵迹言探驪龍  
珠弱者弗堪役不入虎穴內虎子焉能獲艱難靡彌出道理窮  
乃闢持此精進心風雨空山夕

8 贈夢禪居士 決寶

名與利都謝老兼貧奈何雲烟借駛使嫌素日摩挲此筆入秋  
健人心同墨磨青山誰贈爾好句閉門多

君第皆余舊論文三十年故人疎似兩秋寺冷無烟 二十年前與余慢書處對酒渾如夢拈花卽是禪梧桐青未改庭月幾回圓

8 寄暢園尋石詩爲羅介人 九紹賦

石骨瘦於客秋心涼到詩茶香風過院花落水平池採藥雲歸  
早彈琴月上遲名園待名士莫任住巖鷗

八月八日同羅兩峯趙味辛張船山何蘭士集洪稚存  
編修菴施閣

疎影動林樾淺涼生夕陰冷花紅不得誰與識秋心  
主人是詩佛七客皆詩仙落葉一庭滿孤蛩殊可憐

王少林太守以詩集委勸

聞說蓬萊頂中有萬丈桑重陰挹北斗萬影移東陽子筆匪是  
筆巨刃摩天揚斫却葉與枝終古騰清光

君固以詩豪勸敵謂逢我力爭恐難下智取又不可江寒宿渚  
淨樹古微花妥神遇弗形遇我詩似君頗

○ 中秋後三日陶然亭同年雅集

秋色一亭迥客懷生酒杯數公安契久十載唱酬纔雲斷雁長  
叫官閒鷗莫猜踈林踏黃葉不爲看花來

湖海夢安託酒場情最真開門揖白鶴舉網得紅鱗楊柳冷無  
色蒹葭秋在人平生重知已晚節擬松筠

去日迅如此秋花開不濃草荒蟲自語酒冷客相逢暝色倦飛  
鳥小樓遲暮鐘歸途明月好且倚看山筇

物各待時動余心殊不然秋深花滿寺水足葦成田一院塔鈴語隔城村樹烟任人作圖畫詩話續年年

題翁覃溪先生墓三漁洋徐東癡墨蹟後有序

筠園大令藏過仲子詩稿一冊卽漁洋先生所訂之睡足軒詩也前有東癡手記併漁洋跋語覃溪先生既題詩於原冊復摹二帙以一贈余

幽軒睡足雨沾衣七十老人飽粥違剩有歌聲振巖谷山青不了負新歸

歷城好句感新城零軸殘編有性情若減隱君數行字野風吹不響天聲

誰分兩宋與三唐我奉蘇齋一瓣香拈出秋詩寫禪榻直從神韻識漁洋



文字因緣勝寂邱東癡貧又似南洲枯桐院落疎疎雨石罌香  
分讀易樓

閒居

近寺聽鐘便臨流學釣工巷通秋水碧樹漏夕陽紅防病殷求  
艾醫貧且種松涼蟬殷勸客煩惱一時空

○ 讀王鐵夫芭孫孝廉楞伽山房近詩

亦是人間諸塵埃一點無曠懷小天地佳句滿江湖入夜雁聲

苦到秋山影孤櫻桃風味好慎勿戀伊蒲韓城相國爲孝廉題櫻桃館額

取我秋花句余近有落花開不較君孤月詞自孤清再自疎之

句情懷各無賴風雨輒相思苦倚綠雙屐菊剛黃半籬到門認

秋水隔水是茅茨

黃葉開秋院青山生暮寒茶烟虛石竈墨氣出花欄貧賤交心

易文章造命難詩成在驢背及爾未爲官

豈但酒謀婦併能詩佐君房中結鷗侶世上重鸞羣  
搗筆柳飛雪下簾盧破雲慚余老妻刊畫紙不成文

8 重遊萬泉莊

萬樹已秋色一蟬猶苦吟流來西澗水冷到酒人心  
歸雁沙邊去夕陽花外沉前遊渺陳迹壁上舊詩尋

○ 秋閒

雨晴松滴翠衣袂暗生涼觸石雲猶懶穿花水亦香  
漁樵久相習簪紱忽然忘林際暝鴉噪山公酒興長

題楞伽山人寒館雜詩後

不是盟鷗放鴨人年年烏帽抗黃塵綠何瘦甚香桃骨六度梨  
花錯過春

雲自行空月自涼  
楞伽山色木犀香  
長安盼到櫻桃熟  
茶笋依然戀故鄉

抱雲宿在小西溝  
枕上題詩馬上謳  
記得去年山寺雨  
夜來我

亦夢封侯

余去歲寓  
灤陽山寺

薜蘿花開荷葉空  
車行渾在水雲中  
塞垣草木吾都識  
寫入君詩便爾工

作詩話屬同人廣爲採錄

未敢論風雅  
還期理性情  
何人憐舊雨  
一代說新城  
凡物不相掩  
入秋皆有聲  
寥寥百年內  
吾輩幾崢嶸

亦有婦孺語  
都成典重詞  
紅魚寄書懶  
黃葉打門遲  
草隔談經院  
林空賣酒旗  
客來悵秋水  
小犬吠東籬

木葉空庭掃  
烏絲故紙斜  
酒寒秋士句  
笛撼野人家  
風定鵲爭

刺日晴蜂採花幽居塵事少留客有茶瓜

盼到菊花放只愁人取租一天秋氣味半枕睡工夫滅燭待松  
月煮茶支竹爐過橋驢背稔到處索詩通

和張水屋道渥遊西山詩

望去翠無門踏之雲有級山僧欲掩扉客隨孤鶴入  
濕雲浥佛龕石乳滴茶竈夜深門不開水與秋俱到

○秋暮淨業湖待月

緩步出柴門天光隔橋滄溟雲沒酒樓林露滴茶籠秋水忽無  
烟紅蓼一枝動

鴛鴦眠猶未蟋蟀鳴不止山頭生片霞激射波心紫迸起二寸  
魚裂開一尺水

獨坐空亭中林風吹獵獵草根一陣香飛入兩蝴蝶童子起撲

之乃知是黃葉

一湖水氣空四面月波凍但期宿垢蠲不畏薄寒中僧雛亂打鐘驚破老漁夢

握衣踏蘚花滿頭壓星斗溪行忽有阻僵寒來醉叟攬臂欲扶持枕湖一僵柳

書聲出破廬花氣隱寒戶心入夜轉清茫茫念今古此時富貴家酒酣正歌舞

● 洪稚存編修以鮒鮒軒少作見示題效其體

月已落燈忽明卷牀止寺鐘鳴讀君詩識君情路十里隔一城思君不見心怛怛填滿萬古胸豎起一枝筆風雨有時來鬼神爲之慄生平愛惜親與友萬卷詩書一樽酒四溟五嶽都題言寂寞春墟伴花柳青蓮久已死青邱亦陳人眼前數子非君隣

人間只有孫星衍地下空悲黃景仁坐我詩龕中爲我續詩話  
帶經堂與靜志居壓倒隨園詩世界霜花悅君目露水潤君腸  
結成奇字堅復蒼君十三歲負奇氣我十三歲不識字七卷詩  
編鮒鮒軒請題一詩思附驥

○

王鐵夫孝廉寫詩冊見貽用冊中贈何蘭士韻奉謝

培塿學泰山溝澮宗溟海境界雖不同貌遺神自在是水皆滌  
洞曰石卽礪礪外觀不可恃中貴有所宰春來萬樹花生氣鬱  
光彩豈知霜雪時孤芳默相待

作詩不錘鍊出語難老蒼作詩過錘鍊傳世弗久長嶺嶠豹文  
蔚雲表鴻儀翔清廟百寶具洞庭廣樂張華美非不充究須善  
衡量斤削重魯米遷地胡能良

矯矯鐵夫雄而愛蘭士逸落葉一龕詩生花兩枝筆揮掉風雨

中着紙氣蒼實下詢及芻蕘研朱加品騰力似分五丁光皆乞  
太乙奇才不易觀誰與判得失

△ 集何蘭士方雪齋觀羅兩峰聘曹友梅鏡張水屋作畫

有客畫屋有客畫樹有客畫山有客賦山橫雲樹橫霧屋中隱  
隱星斗布不是若耶溪疑至輞川路瓜皮艇子亦何有茅茨隔  
水三間露夕陽紅歛春明城人聲不聞聞筆聲酒氣入墨墨氣  
出高堂四壁烟雲生恨我題詩鮮妙旨千言萬言浮詞耳誰能  
滌我塊壘胸試乞天河一滴水又恐蛟龍來併此攫之去好詩  
或可招此數君重爲題山耶樹耶屋耶雲耶霧耶不知處

○ 王荊亭友亮給諫過訪不值留詩而去

溪樹凍無色水烟吹有痕梅花故人句積雪城南村窓日紅憐  
字山雲白到門杜陵漫誇謫如水素心論

長至前四日招同人集詩龕消寒羅兩峰曹友梅張水

屋各作一圖率題

鴉尾翬日城樓紅馬頭通淖寒林風詩人屢滿詩龕中萬種愁  
懷一笑遣世間幾輩俗能免今日相逢興不淺放筆各寫胸中  
奇林烟不動斜陽移酒香忽勒梅花枝倚牆都欲叅活筆擬來  
海上青霞色一夜天風指間出蕭蕭者樹慘慘雪遠山近山城  
頭分落葉打窻聲欲聞三人俱擅絕人技當場那肯尹邢避臆  
吁嘻人生何者非遊戲

爲曹定軒

錫齡

侍御題傳青主及壽眉書畫卷

父子蹢躅共苦辛黃冠白袷走風塵嶠園山色餐能飽偏是擔  
書賣藥人

小傳臺端亦老蒼一龕紅過幾秋霜誰知身後零星墨猶作雲



烟繞太行

毛心浦哲明府貽同年武廬谷德大令書賦贈兼寄廬

谷

北風裂窗戶其氣肅且清剖讀古人書如陟泰嶽行泰嶽高難攀孤鶴時一鳴萬感入懷寂獨餘金石聲此聲不輕發矧然抒悃誠誰與夏寒竹剪剪燈花明

吾聞作吏法有如治文章勁外極夫變靜內主其常作詩必飽謝爲政期襲黃不自我作古而傍人戶墻江漢納細流日月容近光三子人中豪出等閒之望徒以風騷論豈止雄大梁

△ 答何蘭士

江上采蘭茗風前馭鸞鶴不有車笠緣難踐水雲何處寒香何處芳澹人梅花閣詩人聚三五人生貧最樂

○

王鐵夫校勘拙集跋以詩謝之卽效其體

讀書寡儔侶出門無傍依執手強言笑心事誠多違遂難  
合豈其知我希面諛取容悅旋踵輒刺譏諷刺耳顛倒是  
與非矯然離羣立自揣鰥奮飛奮飛視鴻鵠遠舉辭朝飢氣肅  
天宇澄霜重暄風微

自悔仕宦早讀書未窮源惟願善取友直諒與多聞多聞世或  
有直諒何可言胸懷苟瀟灑世以狂民論狂民抱古疾至性詩  
書敦已所歷境界而欲人人臻人人詎臻此視厥趨向存極干  
變萬化非一戶一門

存素堂詩初集錄存卷四

柏山

壬子

正月八日秦小峴

濊

侍讀招同藝海峯

景濤

明府王惕

甫孝廉何蘭士水部集吳蓬齋中

我生未睹江南天桃花阻絕孤蓬烟臥遊輒想吳門船同心三五  
雲龍友瓦爐初煖屠蘇酒黃盞開甕一招手簾波不動斜陽  
紅半窻濕翠春濛濛彷彿坐我湖山中芙蓉萬朶淨於洗簷頭  
淄淄春雲起白鷗飛入鷗羣矣貂褕笑比漁人蓑酒酣驅墨如  
驅波筆力所到傾江河風裂紙聲一枝觴蕭蕭敗葉空中舞主  
人語客聽春雨

橫山丙舍篇爲小峴作

君本至性人華廬非所慕惓惓胸膈間  
笑兀橫山路橫山路蜿蜒中有先人墓  
秋渚瀉紅泉晨烟散高樹自君直樞庭  
四載末由赴畫師寫作圖乘暇自爲句  
君年已四十君心猶稚獨春風江上來  
渺渺白雲度濕翠落吳蓬涉目卽良晤  
方塘種蓮花清陰覆鷗鷺他年歸去來  
一簑兩芒屨我當訪故人空山踏烟露

魏春松

成憲

比部過訪詩龕貽長歌賦答

孤月照顏色幽花存性情柴門醒鶴夢  
烟水結鷗盟春雪嶺頭積夕陽樓外明  
詩龕留好句肝膈爲余傾

富貴浮雲視何爲姚若吟儼然千古事  
最繫兩人心燈火春城聚梅花古巷深  
蕭疎託微契匪是愛山林

自題詩龕圖

溪烟凍欲無林香寒不絕有時明月來  
照我松根雪

差喜讀有書莫厭食無肉春水三尺明桃花可以弼  
詩不在詩中佛當求佛外靜坐彌勒龕悠然有深會

讀六如居士集適曹定軒侍御示獨樂園手蹟因書後  
江左風流擅一時玉樓金埒少年詩老來隨意書襟袖錯被人  
呼是乞兒

枝指生工作記文兩家書並要平分金閨舊日尋詩處萬樹桃  
花一塢雲

傅竹莊

玉書

明府偕徐立亭檢討過訪不值留詩訂看

花之約次韻

萬樹桃花爛初日春水平添一湖碧枯禪坐破彌勒龕東風染  
徧垂楊質生平不識鸛鵒裘讀書一日消千愁樹桑總要五畝  
宅吹笙誰構三層樓天風忽轉神仙轂看詩之例同看竹我無

好句播江湖君有深情寄幽獨言著心聲千古事傳人一代凡  
幾輩人人皆有真性情皮毛伐盡精神在長安三月遊人多金  
鞭繡帽花前過我爲無心求富貴牡丹時節仍蹉跎

題劉松嵐

大瓶

明府詩草後卽送之官奉天

之子未相覲好詩嘗一吟此時太古月照見梅花林萬里蠻江  
路千秋大雅音清泠石牀句爲爾寫冬心

我有數知己宦遊遼海東謫隨春雨散人去塞門雄雙鬚柳邊  
綠夕陽花外紅長安暫沽酒莫負海棠風

吳南昀

句華

同年自歙縣寄書至報之

春水吹魚到桃花上字紅十年人事改三月酒杯空自笑嵇康  
懶誰憐范叔窮開函感君意山翠濕濛濛

見說黃山路春雲隱縣門松花吹不去竹月照來昏寺僧剔磬

潯源莊開酒樽好官不閒暇農事正殷繁

來書有山黃山百  
里未獲一至之語

清明後二日李菊坪

渝

舍人招飲不赴

短札兼詩寫春陰隔水看清明剛兩日芳草不知寒雲影都疑  
畫花光半在欄酒香容易散好未棟風殘

羅兩峯登岱圖

紅日墮巖脚青旻小如豆星斗摩有聲雲霞吹不皺步天豈無  
梯豈風斷白晝誰折芙蓉根貯向女媧袖  
境險造以心孤懷自延佇最高易爲力處晦難命侶山上一寸  
雲城中三尺雨獨立花中看碑悄無語

陸杉石

元鑑

鑑部赴灤陽校書羅兩峯繪圖同人賦詩

驅車出北門言就灤陽去馬前桃放花馬後柳飛絮君喜鑑戶  
者茲頗艱行路奉

詔勸秘書適慰看山素墨汁携一壺酒向雲深處沙黃捕魚灣  
杏紅賣酒舖好山常在門幽鳥不離樹榛楛經雪肥蘑菇冒蘚  
吐滿院畫眉聲似共梁燕語峯隱樵歌稀烟深牧笛度夫若善  
詠言對此生遙慕朋友六七人况復際春暮挂笏面青山芙蓉  
挿無數中閒一剎古前歲我曾寓佛樓窺野狐經函閉殘蠹慚  
愧壁閒詩曾否紗籠護

馮鷺庭

集標

編修新購田山董侍郎秋泛圖屬題

暖波碧瀉春明城畫船簫鼓斜陽晴白魚腥入黃花觥田郎酒  
好詩更好當時詞客心傾倒牆根轉眼山董老百年烟水空蒼  
茫墨花黯淡餘古香蕭蕭蘆葦秋雲涼東南民力紆公念下筆  
何心修文讌箴耶銘耶視此絹鷺庭嗜古山董儔殘縑購自讀  
畫樓玉堂散直矜風流莎軟風晴潞河堰白塔紅橋不知遠寒



驢蹏躡春堤晚

冶亭侍郎招同釣魚臺看花幕抵極樂寺

欲雨不雨春陰低  
棟花風糝桃花泥  
三里湖光斷山影  
萬絲柳色橫  
酒旗白石橋  
通極樂寺一蝶尋香  
先馬至毘盧殿上  
佛無言海棠樹底僧  
酣睡

傳竹莊明府邀同徐立亭檢討陶然亭小酌

南雲北雲隔萬里  
新雨舊雨聯一紙

君偕立亭過訪詩翁不值留長歌一章

願與

彌勒坐同龕  
前生誰是詩弟子  
柳眼不如人眼青  
桃花水漫蘆花汀  
鷗羣鷺侶天成  
就他日相逢記此亭

雨過

忽訝石橋沒春陰  
花外多偶飄數點  
雨驟長一池波沙  
店客沽酒柳陰人  
晒簑青筇寄山寺  
烟際聽樵歌

四月十三日洪稚存趙味辛張船山集古籐書屋看藤

花

言驛竹蛇宅曲巷深而窮海波寺遺址寒烟波翠篠惟有古藤  
花千枝萬枝繞挫折幾風霜凌空猶矯矯百年曝書地曾此集  
朋僚詩成某也佳花神必諳曉賞花如諸君不同俗客勸酒氣  
與天碧春星吐林小此花更百年人與花同杳佛樓聽曉鍾斜  
陽數歸鳥

題畫

我亦喜囊笠素心今已違青山何處好茅屋看人歸松葉帶雲  
綠稻花含雨肥田家有真樂慎勿去荆扉

讀書四首

讀書如蓄貨一室靡不有瑰奇產嚴阿幽怪發淵藪當其求莫

致豈惜跋涉走一旦聚眼前美者忽焉醜人情罕見珍炫異難  
持久布帛與錦繡卽物理可剖六經天地心諸史古今紐浩氣  
決江河精光掄星斗但期鑄洪爐毋至覆醬甕良賈宜深藏良  
士貴善守

讀書如樹木不可求驟長始焉勤灌溉繼之計修廣植諸空山  
中日來而月往露葉旣暢茂烟條漸蒼莽此理木不知木乃遂  
其養我讀古人書輒作古人想掩卷了無得心中時怏怏忽然  
古明月照見天懷朗前境所造非後境改觀儻困頓老竒材大  
匠斧斤賞

讀書如行路歷險毋惶惑安保萬里程中閒無敵仄自古志士  
心往往傷壅塞况乎路有岐尤易隱竊賊誘我復攻我厥術誠  
莫測所貴擅通才更負兼人力高山惟仰止半途勿休息手扶

大雅輪心戒虛車飾要從實地行直造光明域卓哉孔孟有不爲黃老得

讀書如將兵當先講紀律獲心乃安時至險莫恤將軍掃羣寇勢若風雨疾寸鐵能殺人彼百我則一卽云將軍才有得豈無失不聞易所云師貞丈人吉意氣震山岳徒手大虎穴古人書弗多讀之容易畢後來著作家手言萬言出樹義不制勝不如不開帙

倪嘉樹課孫圖

我頗嗜讀書而無孫與子但聞讀書聲心中輒爲喜此景與此情不圖遇諸紙瞥見古梅花偃蹇如佳士村荒雪壓廬月明香在水此福修幾世吾將入山矣

招兩峯瀛洲亭作畫

屈指登瀛洲轉盼十年矣天風引輒去孤舟沒復起縹渺十八  
仙迢遞三千水我雖遭遷謫閒曠殊自喜玉堂清晝長左右列  
圖史五嶽十洲烟蒼茫惟俯視平生湖海心舒卷入片紙傳寫  
到人閒登瀛路如此

乞食

秋聲不能已一一入愁來寒驟驚微雨青多入暗苔百年新舊  
夢萬感淺深杯乞食終無益誰爲濟困才

立秋後一日招同人積水潭看荷花

高樹障殘暑孤閣停斜曛一潭積水光花與秋不分維時適高  
會我友皆能文有如江上雨感此湖中雲坐見紅蜻蜓飛入白  
鷺羣三寸五寸魚跳波聲欲聞偶此耳目洽涼意殊可欣晚風  
忽蕭瑟膜色生青旻徘徊數歸鳥天末徒紛紛

積水潭看荷歸兩峯留宿詩龕

萬事一揮手兩人皆釣徒涼蟬添夜永秋鶴入雲孤短竹綠留  
檻晚荷紅在湖雨聲催客起爲寫對床圖

題葉琴柯紹桂舍人詩集

思綺吟紅豆官清對紫薇夜蛩聲易苦秋鶴影難肥剪燭坐寒  
雨開樽看落暉板橋殘柳外得句倍依依

和翁覃溪先生見懷之作時督學山左

端範堂前柳依稀往日青重來尋舊雨老輩比晨星快讀蘇齋  
句如遊歷下亭開緘石帆字好夢記曾經

吳蘭雪嵩梁上舍過訪不值留泰淮春泛諸詩屬勘定

我聞吳生名梅花香嫵媚

初從羅兩峯處見君梅花詩

我見吳生面蓮花風

引至

近晤君子積水潭

清才世有幾把臂良不易吟嘯積水潭脩然鷗

驚致過我松樹街天寒葉滿地梅花與蓮花詩境君能備暮雪  
凌幽芳初日照清麗如此好秀才屢挫京兆試看爾秦淮圖太  
有扁舟思春水三月波才子六朝淚花月追前遊溪山寫新翠  
吹笛小姑祠何人許同醉

十一月十六日吳蘭雪留宿詩龕

松樹街前松樹無  
鴉溪柳兩三株  
衝寒不用瓜皮艇  
明月上橋人下驢

湖船擲笛倚吳鬟  
禪榻詩情此最閒  
萬樹梅花一天雪  
去年今夜今

夜宿孤山

君見贈詩去年今夜西  
湖棹曾訪孤山處士家

天下幾人詩得髓  
百年相望兩吳生  
漁洋已恨蓮洋死  
香蕤蘇齋最有情

翁覃溪先生葺小石帆亭於學使署因賤號適符拓石

題詩見寄次韻

石帆兩字尚書遺小築新亭又一時霜樹看多秋入夢塵龔掃  
淨墨生漪約西有客拈花笑池北何年橐筆隨又恐山陰人返  
棹蘭坡兩字費猜疑

山陰周蘭坡學士別號石帆

香蘇草堂詩為蘭雪作

寒流不出山冷冷漱幽石童子啟柴門但見溪雲白  
詩思生空堂冷翠積林樾溝地皆梅花何處著明月

癸丑

燈夕招文芝巖洗馬蔣礪堂

做師

編修小集礪堂卽席

賦詩次韻

獨學恨無友鳥鳴知早春萬燈紅散市一水綠成隣酒助冷官  
熱詩聯舊雨新溪山雲幾疊惆悵問津人



武虛谷同年歸里札來索題虛谷圖

集益必由虛上善當若谷先生繪此圖銘心在幽獨草草就一  
官頗悔出山速蕭然歸故里將欲伴樵牧多藏幾卷書多種幾  
竿竹客至可以餐客去可以讀人生如閒雲去住奚不足旨哉  
老氏言知榮而守辱我更願先生莫著金石錄高臥嵩雪中春  
田抱黃犢倘遇問字人穩坐花間屋度幾屐齒痕不染川上綠

板橋

去歲尋詩句曾親到板橋今來趁疎雨又好折烟條眼底春誰  
管年前雪未消清寒吾尙慣不用酒頻澆

新田雜詠爲吳蘭雪題

十首  
錄四

柘塘

佳樹交午陰方塘湛寒碧細雨不歸來落花深一尺

牛均

松花與梅花落地香風碑前村人未還笛聲在牛背

烟隴

欲尋梅花香不在梅花裏空山寂無人月明一溪水

稻田

晚稻今已收村居亦多暇臥聽田水流直到前溪瀉

答劉簡樓

念拔

司馬併訂潞河之遊

未共把吟卮曾吟洱海詩梅花一枝寄春水隔年思開枋有書  
畫倚尊無竹絲布帆容我挂荷葉最圓時

四月一日陶然亭會已亥同年登辛亥韻

記否十三載江亭初舉杯

辛亥秋介  
同年於此

官閒招客又春冷放花纔

氣味依然合姓名休共猜

余榜名蓮月奉  
旨改今名

渚鳬與雛鶴同籍佳

山來

小錄重緝遍巔眉記不真長風顛塞馬蹏雨滯江鱗柳色綠橫  
酒杏花紅趁人秋竿經雪後添出許多筠

雲過地常濕春歸花自濃相思湖海隔一笑寺門逢燕認年前  
壘鷗醒水外鐘異時圖洛社倩補幾枝筇

此地幽偏甚登臨豈偶然夕陽淡林木春水灌陂田名畫參詩  
諦兩峯爲  
繪圖清樽伴佛烟蘭亭幾觴咏總說永和年

洪稚存編修黔中寄書至并示人黔詩

寄我黔陽書字字沁肺腑新詩雄且傑寧止紀方土堂堂忠孝  
詞自寫甘與苦處貴弗忘賤此情不愧古前年

鳳闕下設詩猛如虎極樂寺探花淨業湖坐雨徃徃乘酒酣奇  
氣胸臆吐時舉大將旗一振軍門鼓天風若送君春波綠南浦

何以慰相思袖中字朽腐

結交有淺深識君已一紀行路有遠近隔君已萬里胡爲贈答  
言懇欵骨月比天峯極蒼莽精神接尺咫想君掀髯時快論天  
下士某某人瑰奇某某氣清綺白雲紅樹閒小吏出片紙寫出  
懷人句句句樂府擬我昨夢見君坐我寒竹裏仰面視白雲低  
頭注秋水

東王暢甫孝廉時寄居何蘭士宅

王郎與何郎皆我性命友兩人比隣居此樂世何有我時析疑  
義就君坐談久今後欵君屏隔牆當送酒涼不借層葦綠定分  
高柳我住松樹街喬柯半衰朽新植兩梧桐圓陰剛半畝放出  
明月光照見支離與良朋惠然至藟藟不嫌厚

送唐陶山

仲冕之官江南

極目見飛鳥因之念故人酌君二杯酒此去江南春詩夢圓秋  
柳官衙近白蘋撫琴先月上松閣照璚珣

### 畫牡丹

天下真花獨牡丹

歐陽修語

笑他房琯劇酸寒芙蓉野甚我葵俗芍

藥還當近侍看

### 八月一日舉子志感有序

乾隆癸丑八月辛酉朔日辰加未桂馨生越三日作  
湯餅邀諸君飲於詩龕諸君亦樂余之有子也越九  
日復相與張樂治具觴予于陶然亭是日學士大夫  
會者三十餘人皆天下賢杰知名士以予之無似而  
又得子也晚如桂馨者未知其能成立否而辱諸君  
相與之厚則誠有不可忘者其間如楊甫孝廉船山

太史又皆伉儷能文以所作書畫合卷裝以贈予因  
併錄予詩于後使桂馨具日知海內賢豪長者相期  
于襁褓中者若是則思所以自勉宜何如

鏡予承二桃怵惕念宗祀同產雖三人一亡兩無子予德薄固

然先人報寧爾今茲八月朔秉燭中夜起生子蓋常事歡言動

閭里上慰老人心下逮病妻喜

妻病八年矣聞妾舉子遽扶病起視

予時無可言

呼僕懸弧矢今歲予四十碌碌百無似艱難已屢嘗踈庸頗自

揣此子若成人將無乃父比立身孝弟先識字憂患始卽弗作

奇人當免爲俗士菊花老圃香蘭草秋江美林風振我衣山雲

映階紫點筆示同人非敢寧馨後願遲四十年教兒檢此紙

### 送秦小峴觀察浙江

身寄薇花省情移竹樹林年來我同味此去孰知音春酒吳達

冷莫蓬小紅魚越水深西湖有明月照見故人心

愛我約西路蓮花開滿池來尋秋鷺侶為誦野蠶詩野蠶江南詩僧小唄

為予誦其佳句宦味貪常好文心苦不辭夜深理吟卷莫忘秀才時

送史漁村致光修撰出守大理

志不在溫飽好官誠易為文章三殿重名姓百蠻知柳暗離亭

酒梅新驛路詩一拳寄蒼石藉爾砥瑕疵大理產佳石

王葑亭招同何蘭士王惕甫徐朗齋嵩胡黃海翔雲集

尺五園

竹與天爭綠花同水一香入門無遠近極目但蒼涼湖海身安

托寫通迹早忘不須主人問鷗鷺滿池塘

秋夜抵順義訪縣令張臨川懷酒同年

地曠孤城遠林荒匹馬經沙連村月白山到縣門青寶劍燈前

看古琴花外聽幾行竹枝寫古峽溯空舸

東張船山

問陶

玉堂散直瓦燈欹雪緊風淒酒滿卮零落梅花全不管閉門偷  
寫畫眉詩

懷羅兩峯山人

愁絕一身安城南蕭寺裏可憐明月夜不在故鄉看鼃已茶烟  
斷牆初石墨乾雪中蕉葉好畫向紙頭難

張水屋過訪

我愛騎驢客衝寒過板橋關心爾何事言採梅花條粥鼓雪前  
落酒旗林外招漁郎不相識指是北山樵

許秋巖侍御出滇產竹實餉客和蔣礪堂編修韻

我無鳳凰德愛養梧桐木綠陰疎曠中補種數竿竹蕭蕭微雨



來頗足娛耳目惟恨饑難驅對君每捧腹忽傳秋水閣開樽聚  
朋族帶雪斫湖魚敲冰煮山鹿碧蒸醅醺酒紅煮桃花粥童子  
報主人瓦鼎竹簋熟寄從點蒼山採自實營谷清虛氣不散萬  
里仍相逐沁入脾腑間遠勝薇苓服我病近廿年拈毫十指縮  
桂精不可得松肪亦已黷飽此洱海珍勿藥喜可卜殷勤告先  
生霜條分一束雜植梧門側清風生謾謾腐儒計藜藿豈必尋  
黃獨

吳種芝

弟詠

庶常餉潛山笋

我生嗜食笋北地少修竹空參玉板禪從事每枵腹梅花紅入  
盆松葉綠圍屋吁嗟寒士胸原應餐苜蓿太史憐老饕籜龍餉  
一束清風生徐徐冷雲來蠶蠹滋味淡彌旨勝彼花豬肉雜笋  
產江南晚者潛山薺

來札云笋產浙江爲早江西  
次之潛山最晚而味特勝

托根較衆殊

一陂烟水獨物勝自云貴安論遲與速冬心老益堅晚節寒更  
積濯濯春前枝僅足娛耳目

送林樾亭喬蔭之任廣寧

先生著作才今乃爲縣令縣令官不高而得親百姓道德有歸

宿文章驗實行從此斗以南絃歌聲可聽君弟職太史前海前輩才

雄筆姿橫昔典浙江試得人稱最盛至今一瓣香得其味者正

吳穀人爲香游所得士著有正味齋集君如古時月相遇無弗鏡才技一一早我

爲多士請湯湯端溪水對之心不競端人近可求端石安足慶

端溪隸  
茲世

治亭侍郎招同翁輩溪先生平寬夫如宮詹余秋室集

中允吳穀人編修文芝岩洗馬集石經堂觀歐陽公

所藏南唐官硯硯背榜字云此硯用之二十年矣當南唐有國時於歙州造研務選工之

舊者命以九品之服有俸廩之給號硯務官歲爲官  
造硯有數其硯四方而平淺者官硯也其石尤精製  
作亦不類今工之修窳此硯得自今王舍人原叔原  
叔家不知爲佳研也兒子輩棄置之余初得之亦不  
知爲南唐物近有江南人季老者見之嘆然曰此故  
國物也因具道其所以然遂始寶惜之其貶夷陵也  
折其一角皇祐三年辛卯  
龍圖閣直學士歐陽修記

龍尾山頭石髓裂鴛鴦寺主風情絕歎州自有李少微二十六  
峯秋欲歇澄心堂紙製作精研務新銜奉勅行芙蓉溪上遂多  
事研哲猶鐫歐史記一旦江南不能有金葉格書全覆甌民間  
爭買鋪殿花宣城散盡諸葛帶此硯會否供御前飄零轉徙隨  
風烟龍圖學士歐陽子畫舫齋中乘幾年琴臺金石皆爲傳六  
一中間無此硯夷陵回首記摧殘數行銘字餘深眷秋聲賦罷  
一燈紅五代遺文照窳中少年畫荻悲孤賤文起昌黎硯有功  
東錢侍郎喜文字雅負廬陵集古志神物况有天相之昨夜六

丁攫而至石經堂上快收藏他日還携政事堂爲我  
國家大制諸位爾紉縵星雲旁吁嗟萬物各有主磨墨磨人兩  
辛苦不逢真識物不奇土蝕苔侵等赬鯢皇祐年中始見珍後  
來閱歷幾何人不登著錄身無精理没人間八百春

王春堂壩効力樞曹耽文墨示秋林諸詩且委贊焉喜  
而賦贈

詩非以力求厥理由境悟王子美才略讀書識時務雖嘗事戎  
馬兜鑿非所慕世間豪俠兒輕喜復易怒動言挾刀筆磨盾草  
露布血氣安可恃道心貴有素西風起秋園新涼散庭樹覽物  
感榮悴撫膺審去住石氣冒雲生天光出林曙髭斷足數莖鉢  
催凡幾度耳聞黃葉聲日見青山路寄語此中人莫爲烟霞誤

歲暮瑤華道人貽詩三次韻

歲暮人事繁而我甘淡泊惟此文字緣不能遽捨却願承清芬  
競素心欣有託梅花明月村柳樹春風郭我昔無絲髮終年弗  
手著厥德自惜情相與慰寂寞忽遇仙客至爲我一再搏草出  
感秋氣細響殊可作自聽鸞鳳聲寒儉境忽拓

門前淨業湖春風已吹綠時把青竹竿鯉魚一尺足白鷗不避

人自向沙邊浴年年二三月桃花紅過屋對此詩不工無乃湖

之厚因寫溪橋圖

予舊有溪橋詩思圖

當作清異錄雖已得大凡要未滿

所欲擲筆向天外萬象入冥眴柴門了無涉爲湖洗塵俗

存素堂詩初集錄存卷五

柏山 法式善 開文

甲寅

題畫

頽陽艷寒綠長江渺孤艇白雲濕不飛但掠秋蕪頂  
萬樹青插天一帆迅于馬借問烟波中何如蘆簾下

伊雲林

朝棟

光祿梅花書屋落成

氣味苟不合相對若無有所以古梅花與世多不偶惟遇讀畫  
啓託心乃永从清風忽然來明月落吾手茫茫空山中將與古  
人友攀條雪滿衣掃花苔上帚秋岩雲自飛柴門鶴孤守先生  
謝簪紱吟哦未絕口舉盞問梅花我詩花知否

楊生作詩龕圖筆墨超雋恍置余江村烟水間題三絕

句

春風江上來吹我畫中住不必真似我乃得我之趣  
有山使不孤有竹便不俗三日不開門春雨一湖綠  
雲隱打魚船橋通買酒路桃花隨意紅何必一千樹

題江秋史侍御詩龕圖

有序

憶乙巳歲秋史爲作詩龕圖且曰此摹前人筆一時  
落墨頗有興會子馳幽務閒不妨以身就畫余感其  
意藏諸篋笥今十年矣秋史物化展玩遺跡不勝人  
琴之感撫然賦詩

詩出我胸中而來天地外但弗形迹求自然遠塵壒山音激水  
音竹籟出松籟侍御回靜者悠然與此會取境託幽閒繁靜都  
刪汰意得遂相忘不似亦無害如何優曇花頃刻現芳華

海上仙人間施狡獪

人死畫不死畫比人長久當其下筆時此意何嘗有始知一藝  
精即可名山壽侍御死猶生精神能不朽懸我虛堂中夜半寒  
溪吼岩竹簌簌香林鳥怕怕友就水拾殘花水流香在手何必  
待春風綠我門前柳

正月晦日周東屏

與岱

閣學招同戴可亭

均元

德厚圃

宋小坡

河

三侍御洪書丹

其紳

比部小集寓齋

高雲薄裏歛微雨春樹沐凍釋東園花綠展南簷竹心閒道同  
還官清筆不病何必明月來始能照幽獨

畫松

我聞山中人年年採琥珀白雲不上天往往成怪石鳥鳴谷轉  
幽水流澗空碧松花深一尺春閉秦時迹



趙味辛懷玉移居古藤書屋

同在春風中物各有所託人事難預期自開還自落  
斯古藤樹轉眼判今昨憶昔詩酒盛名士此開閣清宵明月上長夜高  
歌作聚散本無常萬事等秋籜獨羨此藤花不愁霜雪惡更賴  
賢主人爲花與僅約柔條切勿傷踈枝緩厥縛盎然元氣足精  
光四照灼晨霞繡東嶺夕雲下北郭舍人研丹砂自來花下酌  
借問海上居可識此中樂

新城道中

獨鹿山前過一牛雲外耕日暄花氣重風曳柳條輕望遠春愁  
黯臨流塵夢清溪橋已陳迹客尙說新城

盧溝橋

車驅拱極城西來水聲大黃沙捲紫塞萬古此激汰東來料峭

風漫空起埃塹橋南一鉤月宛轉浴寒瀨碧松古廟中紅杏春  
山外入店漫沽酒先自解襟帶勞勞塵網羈奔走多無奈往者  
掩黃壚來者樹丹旆幾輩支全局賢傑原可賴

房山道中

房山美在中如何以貌取塵沙既滿目石竇未由覩瞥見芙蓉  
花風中自吞吐青紫渺無定濃纖皆可數林空散佛香岩靜滴  
天乳何日棲盤陀飽聽玉塘雨

丁家窪

恍御雲霞行失足墮寒翠鳥飛不能上回翔日西墜却聞林外  
鐘飄來水南寺怪問賣菜翁春雪尙滿地村晴有幾日杏花紅  
下睡

羊頭岡訪高尙書墓

餓鴟作鬼號野狐遇人立不見牧羊者羣羊散原隰松風送月  
高石氣上衣濕殘碑何處尋雲磴幾千級

楊青驛

水南烟自飛水北雪仍在我來楊青驛寒條倚磊砢漁翁堤上  
歸煮酒沙月待去年秋水漲魚價增一倍日臥蒹葭霜坐令老  
夫忘今歲春較遲山容凍未改竹竿長把手臥石吾何悔

桃花口望西淀

春山無遠近到處皆桃花攜酒坐花間醉眼空天葩昨晚樓上  
月蕩漾天邊霞畫手苦描摹真意安能加萬綠濃一村寫出漁  
翁家魚網晒斜陽但響烟中又醉飽了餘生誰復桃源誇

海光寺

春雨散林塘寒烟積城郭海雲帶初日川綠上佛閣時際洋舶

至金錢恣揮霍都由性命輕遂致家室薄深夜聽鐘聲旅客感  
飄泊行行水東西轉轉花開落

丁字沽

幽約丁字沽烟水一川足南樓艷綺羅北館繁華鏡幽人閉柴  
扉春草滿庭綠却煩賣書客登堂奇字鵲正愁旅費艱看竹漫  
食肉萬卷且貯胸不啜桃花粥

水西莊

揚州玲瓏館天津水西莊風流綿百年朋友來遠方我聞顧阿  
瑛卜築玉山堂彈箏復摘阮轉眼荆榛場查氏子孫賢桃李春  
風長飲酒更讀書瀟灑江湖忘

普度庵

我方棲雲堂徹夜聽松濤山中鐘磬喧水外星辰高白鴿棲香

花黃犢犁東臯進退各有時行藏隨所遭空廊覆殘日僧約看  
山桃

黃村道中

沙痕映黃日杏花紅一半柳根臥斷橋春水啞不爛江南載酒  
船昨宵已抵岸老翁賒殘酒坐聽幽禽喚魚蝦散晚市微風腥  
過閤村女剛十齡客來學執爨

自楊村至蔡村堤行

江湖路渺茫烟雨昏入夢津淀十日宿河聲千里送出網活鯉  
魚春雪不能凍羹湯水鄉便酒至飲須痛

黃花店

菊素盛南方北地近繁衍此花性孤冷野處乃稱善高堂廣廈  
間無乃傷裁剪古店當春時荒涼秋色賸數枝桃杏花烟水寄

深淺誰知爛漫開已卜幽棲選何必定東籬醉吟謝纓冕

桐柏村

一桐值五金一柏值千錢居民鬻斗糧不能一樹遷想昔豪富  
家闢地修林泉適以佳木名千古思風烟不聞麥黍豐三年餘  
一年騎鶴上揚州爭以輓烏犍

王荊亭給諫邀遊二閭兩峰山人作春泛圖

船行春水中人在青天上微雨適然來野懷殊逸曠憶昔田侍  
郎曾此扁舟放寫作秋泛圖一時誇跌宕黃門老詩伯乃與山  
蕢抗勝日選良侶涼雲入佳釀長纜青驢牽短篷白鷗颺兩岸  
紅桃花逶迤酒人向江南老畫師不甘前事讓潑墨猶未終春  
波一紙漾

送許秋岩太守之官江南

維天眷有才鉅細必徧試翰林清要領御史風憲昇下馬書干  
言上馬馳萬轡中間持玉尺得士胥英異卓卓曾與王詩文  
章兼政事此去江以南先生釣遊地某花種某園某詩寫某寺  
暇玩古風月靜究今樊利作孝卽作忠尊甫曾蒞江南是仙而  
是吏負笈訪隱君翁山時一至清風生竹篠白水澹荷葉定有  
春空雲染君衣上翠

題秦端崖司業寒梅著花未詩意卷子

天下愛梅人不止君與我看詩如看花而我關心頗君昔宿孤  
山萬花開帖妥自入春明城縞衣失婀娜相逢瓦盆下凍紅三  
兩朶月上山館不鶴守柴門可林風昨夜吹送到江頭舸暗香  
著何處寒雲空淡沈但憑筆底春寫出一枝驪遂令孤潔士見  
花增磊砢彌勒龕許同余亦有維摩禪未果我願掃古苔就公

石邊坐

余兩蒞太學皆遇雨乞夢禪居士作槐雨圖

前度入槐門涼雨濕衫袖今來雨復然綠雲忽奔溜甘霖潤廣  
除清風散永晝落花染地黃不見古苔繡荏苒十三年蒼條仍  
鬱茂而我鬚髮鬢生徒謁非舊光陰不可挽曩哲何由覩煩君  
寫作圖懸置詩龕右老梧生陰森斜竹增逸秀引取天河水滌  
我生平陋倘有笙簧音琤琮紙上奏

送張水屋判入蜀

秋雨不可止一尊催客行聽猿過巫峽策蹇下秦城盡益清蒼  
色詩增激楚聲出門西向笑早視此官輕

題劉松嵐玉磬山房詩後

寫出古今怨得來天地清十年偏遠宦五字獨長城花滿石溪



路秋寒玉磬聲梧桐疎雨夜百感爲君生

慶亭

積善

大令出麗川

奇豐額

中丞乞菊詩冊索題卽

次原韻兼寄中丞

兩家秋興託吟箋野菊移來老圃邊晚節香多開府日清詞寫

滿大羅天憶陪鵬侶剛三月遲聽鶯聲更十年

已丑歲二月余肄業咸安官

學中丞時亦肄業

官學旋卽登第風雨滿城花自好看花人那似從前

舊事商量不繫舟新詩吟遍五湖秋青山送客原佳話白髮歸

田卽素侯

大令林下已六七年矣日以彈琴養菊爲娛

我輩詩因知己作此花天爲

使君留吳門不比陶彭澤二月春風滿甕頭

龍潭

龍潭深不測清絕翠微端孤月有時白西風今日寒猿吟秋葉  
破鹿飲石泉乾忽報前村雨樵夫雪外看

蘆中

霜兼林葉下山裏乍寒天僧臥青松底  
余愁碧草先鷓鴣爭日氣蠅蠅避秋烟  
莫漫稱漁父蘆中乏酒錢

夕坐

一夕埵鈴語澹雲生石根衣衫秋綠重  
燈火月黃昏孤雁辭烟渚寒蛩泣壁門  
斷霞天外墜無數暮鴉翻

紅螺山

秋影隨長川飛來短几前人從雲外立  
樓向水中懸風打磬聲碎月移幡影偏  
老僧甘寂寞抱石日高眠

老君堂

秋雨響紛紛烟中路不分鐘聲自天落  
人語隔溪聞石氣肥山藥泉香冷澗芹  
道人年八十日踏巔頭雲

水南

一片秋山影風吹落水南  
擬從綠松頂小築白雲庵  
天與林泉福僧將藜藿甘  
蒲團雖不大塵世擾何堪

乙卯

再會已亥同年於陶然亭重刊齒錄

應舉仕宦初結契文章本遭逢  
勢難齊風義要無損浮雲身聚  
散聽雨意肫懇昔年忝同薦  
著籍列近遠桂枝分東堂蘭臭合  
九畹前歲始爲會僅一共餐飯

詔恩重開科射策來蓬苑看花及此時  
芳春未晚晚

人生取卿相一笑尋常事讀書諒有爲  
諸君各何志謂不負科名區區豈文字  
進士盛有唐寥落登科記考亭與信國  
遺冊居然識悠悠思古情臨風屢延企  
願保松柏心莫渝金石意名姓

共流傳千秋吾有寄

勝託在目前物態皆無有  
亭臯鳥鳴歇林薄花開久  
新雨年添苔跡雲不遮  
柳風光果無私得失偶先後  
濟濟諸賢豪心事期不朽  
出者瑞巖廊處亦樂田畝  
用舍皆有真孔顏兩無負  
陶然復陶然飲此杯中酒

好風吹春來綠我庭前樹  
世壽鮮百年嘉會能幾度  
方員舉鴻鵠浩蕩盟鷗鷺  
性分誠不同各自有旨趣  
郊亭設尊壘肴核但撲素  
古人尚直率此意知弗誤  
情話接新懽賦詩答良晤  
山色忽蒼然歸鵲噪日暮

題毛心浦大令詩後兼寄洪稚存武虛谷

官清那得更詩清  
好句直疑咳唾成  
自是神仙施狡獪  
天風吹下玉琴聲

山外桃花花外山大令遊山近句在官詎比在山閒却緣訪問溪頭雨

貧傍春雲不肯還

黔南

謂稚存

趙北詩編集愧我秋出嗣響難差喜槐門無箇事摩

掌鎮日石經看

文章原足擅千秋華髮星星老未休才子洛中誰比數宋黃州

後武青州

盧谷官博山令

送胡果泉

克家

同年觀察惠潮

庚子捷春官君時年最少西曹十六載明刑以弼教昨歲典秋  
試文星炳粵嶠波偃止水平翳鷗白日耀今際榴花開復膺五  
雲

詔天南皆岩疆惠潮屬海徼重農兼重商治民先治盜書生識  
大計凡事持體要仍若操文衡濃淡均可好嗜欲苟不偏萬物

晉受照惟其是而已何必一一校相感有性天毋徒飾刑貌彼  
哉詭與異又貴盛攻剽在文曰不醇在人曰不肖君今去萬里  
何言堪慰勞政事吾未嫻請以文章告

夢禪居士爲煦齋太史寫山雨欲來風滿樓詩意

萬象不可測況乃風雨妙筆揅造化權摹寫一一到江嵐腕底  
奔林烟空際繞此時人無聲但有哀猿叫誰令出峽船泊此蘆  
碕釣倏忽又飛去茫茫雲一嶠高梧青欲浮涼松綠可拘亟收  
樽與壘恐取蛟龍鬧

贈郭祥伯

君從山中來踏破槐花影掃榻城西偏蕭然塵事屏思君不能  
見使我心耿耿青衫逐隊來飄泊如浮梗兩試皆拔幟橋門裏  
蹄騁知人古所難得君吾其幸勉旃閉廬臥無事廣造請眠早

食宜飽讀書隨意領清齋玩明月北地防秋冷

贈蔣伯生 因培

汶上多隱居君胡此築宅無乃東海波濤昂壯懷適泰山復蹇  
我且晚雲生席妙筆借粉揮奇情天與爾摩挲石鼓罷坐我秋  
堂夕詩成寫贈我字映梧門碧君家淨業湖蓮花一水隔若欲  
作主人我是樓中客 友肅公 賜第在淨業湖側與敝廬最近

題李墨莊 元 編修登岱詩後

吾慕古仙人不在年壽永愛其意所到九宇烟霞勝先生住蓬  
山遐心時一逞快茲泰嶽遊涉想卽成境長松青接天圓日紅  
匿嶺履險氣乃攝憑虛心自冷身在雲中行不見雲之影出雲  
視萬物歷歷眼前景非緣託跡高祇是回頭猛金銀十二樓縹  
渺現俄頃何必裁眉頰始有蓮花井

大學示諸生四首

吾聞古太學賢才國攸賴方今

天子聖坐致四方泰湖海來羣英橋門集藹藹鼓篴談詩書登壇舉旗旆更願諸學人努力求遠大功名天所與急近乃有害道德須彌中文章僅僅彪外秋水南華篇孔門所激汰

富貴與貧賤流水浮雲比我還讀我書人情本天理既虞見異遷尤戒畏難止苟欲歷九州必自鄉閭始苟欲登太山必自平地起百穀秋乃成真仙劫不死西風撼庭樹落葉不能已松柏何青青君子求諸已

我昔官司業行年未三十今更越十年一事鮮成立復忝祭酒職感極每於邑惟持一寸心因時爲緩急矩方而規圓其權非我執春風雖無私安得人人給倘有災眚生能弗藥石及揆諸



醫者情豈不願寧輯

辟廬姬周鎬

制邁虞夏殷蒼石甃古臺白水滋香芹好鳥時復鳴啾啾樂其  
羣徘徊堂廡下碑影明秋隲落字勢恢

御墨霏氤氲苦花不能饒古殿停風雲諸生事校勘名山搜典  
墳亟持筆札來錄此

天上文

畫眉山

朝行紅石口暮宿畫眉山屋向花中起峯從水外彎日斜牛自  
返風定燕初還禪板全無用塵緣已盡刪

再題槐雨圖

花黃舉子忙弱歲熱此語奮志就功業慷慨誰能禦趨踰禮樂

堂頗能辨宮呂慚之時雨化進旅復退旅十年感今昔萬樹成  
儔侶柯聳雲喬高葉繁露華清汝綠尚依然吾髻不如汝

舊雨亦已遠新雨何其殷不見午陰清但覺榮欣欣散之浩蕩  
風護以紉縵雲高岡生梧桐泮水采藻芹物尚貴擇地士寧昧  
樂羣歲月惜荏苒學殖期精勤煌煌

說經字上媿唐虞文潛心事紬繹勉矣聞所聞

### 東方葆崖鹽使

有才不擇官隨事見經理鹽官民生繫衣食胥賴此所難使者  
廉君清已如水清則恐其激持平斯爲美爲政苟閒暇何必海  
鷗比退衙釋巾舄選地種菊杞彈琴山月上把酒池風起世方  
待舟楫勿僅飭簞簋吾聞畿輔民望君如歲矣

### 傳筴吟爲蔣最峯和賦

敗葉西風裏何人手澤菲秋堂數行字孝子百年心湖海功名  
薄文章寄託深傳家此長物一簞抵千金

揅袖對風雨十年天上書

湘帆老人寫經十二年乃卒業書今歸天上矣至今剩殘墨

猶得伴秋廬湘浦帆曾挂槐堂夢又踈徘徊石經畔校字獨慚  
余

### 送郭祥伯罷京兆試歸里

文章事剽竊漸致士習壞理足必氣充雖肆而不怪君才雄江  
漢渾灝窮九派滌筆橋門水側帽槐花廨坐使風簷下別開一  
境界如何冲霄翮翻致羽毛鍛豪傑要有真未可論成敗載書  
歸山中梅花開滿砦行當野雲共醉輒明月拜造句敵騷問毋  
僅寫凋瘵梅花倘有知必不笑君慙

### 題蔣伯生荷江雅集圖後卽送其歸里

浮榮不可慕真賞乃千古若君抱至性成敗何足數此去梅花  
開重聽胥江舫徙倚寒碧中但有猿鶴伍一笑吹玉笛未許吟  
太苦明歲春風生綠蒲垂楊浦跨驢入長安爲我賦石鼓

汪刺史

本直

修元遺山墓俾其後人耕讀墓側詩以紀

事

嘗讀金源詩三復中州集知人兼論世不徒肄業及維時風雅  
衰滄海橫流急遺山乃崛起身障狂瀾立我欲拜公靈臨風一  
涕泣

峩峩五花墳榛莽掩碣石初或亦已遠何從訊遺跡阜哉賢刺  
史力衍詩人澤幽泉發古香荒苔散寒碧至今野史亭猶有讀  
書客

薄田三十畝茅屋八九間荷鋤徂南陌紅日暄東山野草茁

瓦好鳥鳴關關時有吟嘯聲樂此農力閒更當候明月伴客松  
堂還先生倘有知應破鏡中顏用遺山詩句

題元明人畫卷

黃子久春林遠岫

七十老人畫林岫筆不落紙力已透東風吹綠南湖波搖搖萬  
葉春烟多詩翁吟嘯在茅屋山色隔牆動幽矚心閒物障消已  
空坐我寒翠溟濛中桃花萬點暈初日清磬分明花裏出驚起  
林鴉無數飛青山一簪閒雲歸

王叔明花溪漁隱

雙橋柳絮邊一水桃花外燕子故飛飛去來認寒瀨

文五峯臨  
幅自題有

柳絮桃花  
燕子飛句

老漁坐終日臨流若有會得魚固足喜不得亦無害

水氣雜花氣濛濛春雨大炊烟澹沱中那容著塵璫白髮任蕭

疎一生不冠帶

倪元鎮漁莊秋色

秋氣蕭然入筆墨  
荻敗蘆荒都有色  
三家五家楊柳國  
水烟阻人行不得  
短篷搖曳日西昇  
鯉魚風起雲沙黑  
老樹空崖自欲側  
茅亭路遠黃葉塞  
昨日溪南今溪北  
日日捕魚誰之力

陳惟允溪山秋霽

萬葉共一綠  
暗秋生晚晴  
時聞松樹梢  
雨滴三兩聲  
此時溪上人  
豁然塵慮清  
虹渴飲投澗  
鷗原飛近城  
煮笋謀山妻  
捕鯉煩漁兄  
江湖自有樂  
何事希簪纓

王孟端湖山佳趣

有水便可樂  
六月溪風寒  
草閣有山便  
可住種花十年  
便成樹蘆芽笋芽  
俱入餐竹葉松  
葉聲不乾鎮日  
江頭把一竿得  
魚賣

錢婦子歡睡醒忽見桃花開冒雨倘有詩人來莫教踏損門前苔

沈石田柳州烟艇

山齋臥十年夜夜看松月孤艇野風吹柳塘山雨歇水綠涼上衣清欲濯毛髮回頭前路失一村出林樾

唐子畏水亭午翠

荒園究難居自是水亭好幽軒春睡足極目憐芳草想當昨夜雨前村得氣早午陽未落地衆綠接晴昊天光何處尋松陰不可掃選石素琴張泠泠寫幽抱

文徵仲郭西閒泛

鷺鴨隊隊穿葭葦酒殘琴囊載船尾打篙直欲凌滄波世上閒人能有幾斜陽紅欹山影明雨聲初斷聞蟬聲白雲與客同蕭蕭

散飄飄隨過前溪行擲筆忽然向天笑此生只合老耕釣老來  
轉欲乞丹砂誤我一官是待詔

陳白石烟樹疊嶂

看去千重萬重視中却有起兼有伏山人日高睡已熟解衣磨  
墨寫山谷哭兀萬朵青芙蓉磊磊落落毫端逢幽居合在雲深  
處手攜黃精與紅蕖寒梅着花吾欲去

錢叔寶溪山深秀

石笋參差平地起蒲汀尾抱寒沙背短篷支起隨意看朝山青  
更暮山紫道人入山苦不深棠梨花下眠春陰粉粉白鳥橫江  
去誰借禪堂撫石琴

陸叔平溪山餘靄

歸鳥翔夕陽涼蟬噪高樹濕烟略約斷古苔殘碣言採溪上



花不辨山中路樵子踏雲去老僧倚橋住但望雲霞詎惜買  
風露歸來坐茅屋默憶足幽趣

觀蔣最峯學正畫竹

世之畫竹人但求與竹肖蔣侯識竹性取神不取貌平居究六  
法鑿破混沌竅秋堂幽思騁酒酣忽大呼墨瀋染巾衫水烟動  
危隋掃去棧枒痕獨留孤月照放筆出所有何曾炫奇妙觀者  
詫爲異蔣侯初不料狂呼巨觥來解衣務長嘯我謂先生醉蔣  
侯啞然笑